

五經同卷

佛說報恩奉盆經

佛說浴像功德經

浴像功德經

佛說校量數珠功德經

曼殊室利呪藏中校量數珠功德經

佛說報恩奉盆經

不
佛說報恩奉盆經

佛說校量數珠功德經

不
佛說報恩奉盆經

女八

高僧人列

聞如是一時佛在舍衛國祇樹給孤獨園大目犍連始得六通欲度父母報乳哺之恩即以道眼觀視世界見士母生餓鬼中不見飲食皮骨相連柱目連悲哀即鉢盛飯往餉其母母得鉢飯便以左手鄣飯右手搏食食未入口化成火炭遂不得食目連馳還白佛具陳如此佛告目連汝母罪根深結非汝一人力所奈何當湏衆僧威神之力乃得解脫吾今當說救濟之法令一切難皆離憂苦佛告目連七月十五日當爲七世父母在厄

難中者具麩飯五菓汲灌瓮器香油鉦燭牀卧具盡世甘美以供養衆僧當此之一切聖衆或在山間禪定或得四道果或樹下經行或得六通飛行教化聲聞緣覺菩薩大人權示比丘在大衆中皆共同心受鉢和羅具清淨戒聖衆之道其德汪洋其有供養此等之衆七世父母五種親屬得出三塗應時解脫衣食自然佛勑衆僧當爲施主家七世父母行禪定意然後食此供目連比丘及一切衆歡喜奉行

佛說報恩奉盆經

大宋國臨安府臨安縣麻姑鄉崇敬里李寄居嘉興府華亭縣普照寺南柳家巷房奉

佛弟子沈慶妻鄭氏男是之妻徐家眷等施財入大藏經坊刊造報恩奉盆經一卷所集功德追悼先考沈四丞事超昇
吉祥如意者
嘉慶三年六月日辰緣道若言謹題